

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-333-2/18. od 21.03.2018.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj: 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„TOFI“ d.o.o**, ul. Nike Kolumbića - Šake br. 78., Sarajevo, registrovan kod Općinskog suda u Sarajevu (matični broj subjekta: 65-01-0742-14, stari broj: 1-17048), identifikacijski broj kod Porezne uprave FBiH Kantonalni ured Sarajevo 4200173170002, porezni broj: 01071930, identifikacijski broj obveznika PDV 200173170002, koga zastupa Direktor Elvir Toholj, (u daljem tekstu: Dobavljač),

dana 21.03.2018.god., u Sarajevu zaključuju

UGOVOR O NABAVCI REZERVNIH DIJELOVA ZA POPRAVKU MAŠINA U VEŠERAJU KJU „GERONTOLOŠKI CENTAR“ SARAJEVO

Član 1.

Ugovorne strane su saglasne da Dobavljač za potrebe Ugovornog organa, prema svojoj Ponudi broj: K-40/18 od 07.03.2018. godine i zahtjevu Ugovornog organa broj: 12-333-1/18 od 27.02.2018.godine, vrši kontinuiranu nabavku i isporuku **rezervnih dijelova za popravku mašina u vešeraju do vrijednosti 6.000,00 KM bez PDV-a, odnosno 7.020,00 KM sa PDV-om.**

Član 2.

Ugovorne strane su saglasne da se nabavka rezervnih dijelova vrši prema nastalim potrebama Ugovornog organa, a na preporuku ovlaštenog servisera mašina, koju serviser upisuje na radnom nalogu.

Na osnovu radnog naloga i preporuke ovlaštenog servisera mašina, Dobavljač isti, a najkasnije naredni dan nakon utvrđivanja dostavlja Ugovornom organu svoju ponudu sa prijedlogom cijene rezervnih dijelova koje je neophodno nabaviti radi otklanjanja kvara ili poboljšanja funkcije mašina u vešeraju.

Izdavanje pojedinačne narudžbenice za nabavku rezervnih dijelova, smatra se da Ugovorni organ prihvata cijenu predloženu od strane Dobavljača.

Ugovorne strane su saglasne da se dostava ponude Dobavljača sa prijedlogom cijene rezervnih dijelova, dostava narudžbenica Ugovornog organa, kao i ostala pisana komunikacija između ugovornih strana, može obavljati putem faxes ili putem e-maila.

Član 3.

Za svaki novi rezervni dio koji ugradi Dobavljač, Dobavljač se obavezuje Ugovornom organu pružiti garanciju u roku od 6 (šest) mjeseci od datuma ugradnje.

U slučaju potrebe ponovne zamjene ugrađenog rezervnog dijela u garantnom roku, bez uticaja ljudskog faktora, Dobavljač se obavezuje rezervni dio zamjeniti o svom trošku.

Član 4.

Dobavljač odgovara za skrivene mane i nedostatke na robi, koji se nisu mogli odmah uočiti.

Ugovorni organ je obavezan da odmah obavijesti Dobavljača o svim skrivenim nedostacima na rezervnim dijelovima koji se nisu mogli odmah uočiti, i to najkasnije u roku od 7 dana od dana uočavanja takvih nedostataka, i da zahtijeva njihovo otklanjanje najkasnije u roku od 2 dana.

Ukoliko se radi o neispravnosti isporučenih rezervnih dijelova, koja se ne može trajno otkloniti, Dobavljač se obavezuje da će najkasnije u roku od 7 dana Ugovornom organu isporučiti ispravne rezervne dijelove, bez bilo kakvih mana i nedostataka.

Ako do isteka roka iz stava 2. i 3. ovog člana Dobavljač ne postupi po zahtjevu Ugovornog organa, Ugovorni organ može raskinuti ovaj Ugovor i zahtijevati naknadu štete.

Član 5.

Dobavljač se obavezuje da robu koja je predmet nabavke isporuči najkasnije u roku od 30 dana od dana prijema narudžbenice.

Član 6.

Vrijednost ovog ugovora ne uključuje usluge servisera, te će se ove usluge naplaćivati odvojeno, u skladu sa Ugovorom, broj: 12-335-4/18, zaključenim 12.03.2018.godine, između KJU „Gerontološki centar“ Sarajevo, kao naručioca usluga i „TOFI“ d.o.o. iz Sarajeva, kao izvršioca usluga.

Član 7.

Ugovorni organ se obavezuje da plaćanje nabavljenih i ugrađenih rezervnih dijelova za popravku mašina u vešeraju vrši u roku od 30 dana po ispostavljanju fakture na žiro račun Ponuđača broj: 338 900 220 753 63 89, otvoren kod Uni Credit banke d.d. Sarajevo.

Plaćanje će se vršiti u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 8.

Ukoliko u toku izvršenja ovog Ugovora nastupe okolnosti koje se u vrijeme njegovog zaključenja nisu mogle predvidjeti, a koje utiču na blagovremeno izvršenje ugovorenih obaveza, ugovorne strane će preispitati te okolnosti i sporazumno utvrditi novi rok za izvršenje ugovorenih obaveza.

Ugovorne strane se obavezuju da o nastalim nepredviđenim okolnostima zbog kojih je neka od ugovornih strana ometana u izvršenju ugovorenih obaveza, pismeno obavijeste drugu ugovornu stranu.

Član 9.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 10.

Odredbe ovog Ugovora mogu se mijenjati samo uz pismenu saglasnost obje ugovorne strane.

Ovaj Ugovor se može raskinuti pismenim putem i to sporazumno ili po zahtjevu jedne od ugovornih strana, ukoliko su nastali bitni razlozi za raskid ugovora.

Član 11.

Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Općinski sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.


Broj: 12-333-3/18
Sarajevo, 26.03.2018.g.


UGOVORNI ORGAN:
Broj: 12-333-3/18
Sarajevo, 21.03.2018.godine